

Vi ste ovdje: [Početna](#) ➤ [Vijesti](#) ➤ [Saopćenja za javnost](#) ➤ Tokom proteklog vikenda postignuti zapaženi rezultati policije u Zeničko-dobojskom kantonu



▼ Menu

HOME

OGLASI

KONKURSI

JAVNE NABAVKE

ZAVRŠENE JAVNE NABAVKE

VIJESTI 122 I SAOPĆENJA

AKTUELNO

GRADANSTVO

INFORMACIJE

CYBER SIGURNOST

LINKOVI

Arhiva saopštenja

Jun 2024						
Po	Ut	Sr	Ce	Pe	Su	Ne
27	28	29	30	31	1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

▼ Tokom proteklog vikenda postignuti zapaženi rezultati policije u Zeničko-dobojskom kantonu

🕒 Objavljeno ponedjeljak, 10 Juni 2024 10:45

👤 Klikova: 53

Nakon izvršenih analiza i procjena koje su vršene na nivou Uprave policije Ministarstva unutrašnjih poslova Zeničko-dobojskog kantona, tokom proteklog vikenda na području svih policijskih stanica od strane policijskih timova provedene su pojačane aktivnosti sa posebnim akcentom na zloupotrebu opojnih droga, te kontrolu i sankcionisanje bahatih vozača, višestrukih povratnika u činjenju težih prekršaja u oblasti saobraćaja.

Dana 08.06.2024. godine, u 19,30 sati, u mjestu Matuzići, općina Dobojug, postupajući po naredbi Općinskog suda u Tešnju, od strane policijskih službenika Policijske stanice Dobojug i Specijalne policijske jedinice Uprave policije Ministarstva unutrašnjih poslova Zeničko-dobojskog kantona u koordinaciji sa Sektorom kriminalističke policije izvršen je pretres kuće vlasništvo S.A. iz Matuzića, a koje koristi lice M.A., rođen 1987. godine u Cazinu, nastanjen u Matuzićima.



Tom prilikom pronađeni su i privremeno oduzeti sljedeći predmeti:

- Praškasta materija koja svojim izgledom asocira na opojnu drogu speed, ukupne težine 1962,20 grama,
- Biljna materija koja svojim izgledom asocira na opojnu drogu marihuanu, ukupne težine 96,30 grama,
- Sjemenke Indijske konoplje, 59 komada,
- Novac u iznosu od 4947,10 konvertibilnih maraka,
- Pištolj nepoznate marke i kalibra sa 13 metaka,
- Pribor za mrvljenje i pakovanje (drobilica, metalna kašika, metalna kartica, precizna vaga) i jedna sadnica Indijske konoplje, visine 1 metar.

Zbog osnova sumnje da je počinio krivično djelo "Neovlaštena proizvodnja i stavljanje u promet opojnih droga" lice M.A. je lišeno slobode i zadržano u prostorijama za zadržavanje uz upoznavanje dežurnog tužioca. Policijski službenici Policijske stanice Dobojug nastavljaju daljnji rad na dokumentovanju navedenog krivičnog djela, a po kompletiranju dokumentacije protiv M.A. će Kantonalnom tužilaštvu Zeničko-dobojskog kantona biti dostavljen izvještaj.

Dana 08.06.2024. godine, u 19,45 sati, u ulici Srebreničkih žrtava rata, općina Maglaj, od strane policijskih službenika Policijske stanice Maglaj kontrolisano je putničko motorno vozilo, marke "BMW" reg.oznaka J29-O-731, kojim je upravljao S.A., rođen 1993. godine iz Gračanice. Prilikom kontrole vozač navedenog vozila je alkotestiran gdje je kod istog utvrđeno prisustvo alkohola u organizmu od 1,21 promila. Izvršenom provjerom u prekršajnoj evidenciji za navedenog vozača utvrđeno je da se radi o višestrukom povratnik u činjenju težih prekršaja u saobraćaju, te da u registru novčanih kazni ima evidentiran iznos od 2943,60 konvertibilnih maraka neplaćenih kazni.

Istom je u skladu sa članom 22. Zakona o policijskim službenicima ZDK-a i članom 31. Zakona o prekršajima FBiH, sporno vozilo privremeno oduzeto, nakon čega je vučnom službom prevezeno na službeni parking prostor Policijske stanice Maglaj.

Dana 09.06.2024. godine oko 23,48 sati u mjestu Misurići, općina Maglaj od strane policijskih službenika Policijske stanice Maglaj zaustavljeno je i kontrolisano putničko motorno vozilo marke "VW Passat", registarskih oznaka O61-J-272, kojim je upravljao P.A., rođen 1997. godine iz Maglaja. Prilikom kontrole utvrđeno je da isti kod sebe ne posjeduje vozačku dozvolu, a izvršenom provjerom u bazi IDEEA utvđeno je da je vozačka dozvola deponovana i da isti upravlja pod izrečenom zaštitnom mjerom "zabrana upravljanja vozilom". Prilikom alkotestiranja kod vozača P.A. je utvrđeno prisustvo alkohola u organizmu od 1,70 promila. Provjerom u prekršajnoj evidenciji utvrđeno je da je P.A. višestruki povratnik u činjenju težih prekršaja u saobraćaju, te da u registru novčanih kauzni ima evidentiran iznos od 1120,45 konvertibilnih maraka neplaćenih kazni. Navedeni vozač je lišen slobode i zadržan u prostorijama za zadržavanje do istrežnjenja, te je u skladu sa članom 22. Zakona o policijskim službenicima ZDK-a i članom 31. Zakona o prekršajima FBiH, sporno vozilo privremeno oduzeto, nakon čega je vučnom službom prevezeno na službeni parking prostor Policijske stanice Maglaj.

Po kompletiranju dokumentacije Policijska stanica Maglaj će Općinskom sudu u Zavidovićima podnijeti zahtjev za pokretanje prekršajnih postupaka protiv navedenih vozača uz prijedlog za izricanje zaštitne mjere oduzimanja navedenih vozila.

U okviru pojačanih aktivnosti, u oblasti saobraćaja i javnog reda i mira u dane 07.08 i 09.06.2024. godine, od strane policijskih timova Uprave policije na području svih policijskih stanica u Zeničko-dobojskom kantonu ostvareni su sljedeći rezultati:

- Kontrolisano je 1446 vozača i vozila,
- Izdato je 510 prekršajnih naloga po saobraćaju,
- 61 vozač je zatečen da upravlja vozilom pod uticajem alkohola,
- 14 vozača su zatečena da upravljaју vozilom bez položenog vozačkog ispita,
- 3 vozača su zatečena pod izrečenom mjerom zabrane upravljanja motornim vozilom,
- 3 vozača su zatečena da upravljaју neregistrovanim motornim vozilom,
- zatečena su dva maloljetna lica da upravljaју motornim vozilom,
- Izvršen je pregled 1062 lica i vozila po članu 25. Zakona o policijskim službenicima ZDK,
- Izdato je 27 prekršajnih nalog po javnom redu i miru, od čega je 10 prekršajnih naloga za uživanje opojne droge na javnom mjestu, 14 za prekršaj prosjačenjem i 3 prekršaja po Zakonu o nabavljanju, držanju i nošenju oružja i municije ZDK
- Oduzeta su 3 predmeta koji su pogodni za nanošenje tjelesnih povreda,
- Izvršene su "Racije" u 24 ugostiteljska objekta, te tri pretresa po naredbama nadležnih sudova
- Zadokumentovano je 6 krivičnih djela iz oblasti zloupotrebe opojnih droga, odnosno iz člana 238. Krivičnog zakona Federacije Bosne i Hercegovine, "Posjedovanje i omogućavanje uživanja opojnih droga".

Kako bi se nivo bezbjednosti podigao na najveći mogući nivo, te građanima osigurala potpuna lična i imovinska sigurnost, Uprava policije Ministarstva unutrašnjih poslova Zeničko-dobojskog kantona će i u narednom periodu nastaviti sa provođenjem ovakvih i sličnih aktivnosti.

Odsjek za odnose sa javnošću, analitiku i planiranje